

تاریخ عثمانی انجمنی

۱ تشرین اول
۱۳۳۱

پنجمی سنه
نومرو ۳۴

مجموعہ سی

مرعش والبستانده ذوالقدر [دولنادر] اوغلاری حکومتی

(۳۳ نجی نسخه دن مابعد)

علی بك ابن شهنسوار بك

طرف دولت علیه دن (ذوالقدریه) ایالتنه حاکم اولنجه ایلك جمعه ده خطبه بی سلطان سلیم خان حضرتلرینک نامنه او قوتدیره رق خاندان آل عثمانه اولان کمال حرمت و صداقتنی مأموریتی اوزرنده ده کوستر مکه باشلادی. آنجیق بوسره ده برادر لرندن و عمزاده لرندن برچوق بکک محضا محافظه اقبال ایچون قاننه کیروب بومیانده شامرخ بکک اوغلرندن محمد خان ایله کوچوک برادری علی بك دولنادرلیدن بیوجک بر او بمساقله برابر فرجه یاب فرار اوله رق شاه اسماعیل صفوی به التجا ایتیشلر و مظهر حسن قبول اولشلردر . علی بکک عادات مشنومه عصریه دن اولان شوقانلی باشلانغچ ایله اجرا آنه کیریشمی حیات حکومتجه مسعود بر استقباله دلالت ایتیموردی .

۹۲۲ سنه سی مصر سلطان غوری ظاهرده ابراز مواخت صورتیله و باطنده اجرای معادات نیتیه حدود عثمانیه به متوجها مصر دن حرکت ایده جکی هنگامده وقتیه کو کسوند اسیر اولوب فتوت عثمانیه مقتضاسجه عفو بیورلش و آنجیق بیوک برادری علاءالدوله نك بر اقدینی ایزه اقتفاء مصره قاچهرق سلطان غوری به دخالت ایلش اولان عبدالرزاق بکه ترکمنلردن عسکر جمعیله عثمانلی سنورینی کچمسی ایچون اون بیک عدد دینار ویردی . عبدالرزاق بك ده همان یوله چیقیمی . سلطان غوری مرچ دابقه کلدکده مصر اردوسنده عبدالرزاق بککه متوفی شاه بوداق بکک اوغلی وسلطنت مصریه طرفندن حمص نائی (متصرفی) (ملک

ارسلان بك) و برچوق تورك اوشاغی موجود اولوب چركسار حسابنه خاقان اعظم ياوز سلطان سليم خان اردوسيله دوكوشمكه حاضر لنمشار ایدی . غریبدركه مصر اردوسندن میدان مبارزه یه ایلک اوچكه تك باشنه آت سورن ملك ارسلان بك اولوب قارشوسنده عثمانلی بندكاندن عمزاده سی شهسوار اوغلی علی بیکی بولغله علی بك برقیلجده ملك ارسلان بكك باشنی كوده سندن آیپردی [۱]. عبدالرزاق بك دخی اله كچوب آتجق عثمانلیلنه مخصوص بیوكلك مبتغاسنجه حقنده ینه عفو له معامله بیوریله رق كوستندیل سنجاغنه مأمور ایدلای [۲].

علی بك مصر سفرنده ده ركاب هایونده خدمته بولسوب چالدرانده مسبوق اولان فداكارلقلرینك فوقنده اوله رق بك بیوكل بهادرلقلر كوستردی . هله یوقاریده ذكر اولندینی اوزره صوك مصر سلطانلی اولان طومانبا یی مصرده باب زویله ده صلب ایده رك باباسنك انتقامنی آلدی .

۹۲۶سنه سی علی بكك برادری قاسم بكك سلطان اوکی یعنی قره جه حصار سنجاغنی بلكلی توجیه بیورلدی . ینه بوییل سیواسده تر حالدیه بوزاقلی جلال نامنده بر قزلباش توره یوب مهدیلك دعوا ی باطلیله باشنه طویلا دینی یكرمی بیك حیدود ایله آناطولی یی یاقوب بیتمقده ایكن شهسوار اوغلی علی بك آقشهرده بونلرك باشنه شاهین کی چو كهرك درنكلرینی طاغتمش و مخدومی (اویس بك) ك طوتوب كتیردیکی [۳] جلالك ده باشنی كهرك آناطولی یی بریوكل غائله دن قورتارمشدر . بوشخص لیتمك اسمنه اضافله آندن صكره ایكیده برده باش كوسترن اصحاب خروج و شقاوته جلالی دینمشدر .

[۱] سلیمانامه شكري .

[۲] فریدون بك منشآقی ، مرحله نامه سلیمی ، ص : ۱۵۰ .

[۳] سلیمانامه شكري .

علی بك ۹۲۷ سنه سنده علم افراز عصیان اوله رق حلبی محاصره ایدن شام والیسی جانبردی غزالی اوزرینه ییلدیرم کبی یتشدیکندن بك زیاده بویومك استعدادنده اولان آتش فته یی اوجاغنده باصدیردی .

علی بكك آقشهرده و شامده واقع اولان خدمات فوق العاده سی حقیقه کی توجه پادشاهینك تضاعفنه سبب اولمش ایدی ، بوخصوص عین سفرارده اردوی هایونله برابر بولنش اولان سردار (فرهاد پاشا) ده بر حس محاسنه اویاندردیقندن فرصت بولاقجه نزد سلیمان خانیده علی بك علیهنده بولنیوردی . اتفاقات غریبه دن اوله رق حضرت پادشاه بر آراتق علی بكه کوچمش ایدی . مجلسنده نام نامی پادشاهی یی ترکمانجه سنه بر قبالتق ایله ذکر ایتمش ایمش . تام بویله برزمانده فرهاد پاشا مقام سمایته طاشی کدیکنه سوردیکندن زواللی علی بكك قتلی اراده سی آلدی . ۹۲۸ سنه سی شعباننده توقادده (ارتق اووه) ده اوغلی (صاری ارسلان شاه) و (دیوانه ولد) و اوپس بکترله برابر - استعمال لطائف الحیل صورتیله - مدعوأ بولندقلری کندی چادرنده بوغدیروب کله لرخی استانبوله کوندردی [۱] وزواللی شهسوارلی اوجاغنی سوندیردی . اوصره ده قانونی سلطان سلیمان قره دن ردوس فتحنه کینمکده ایکن آیدین جهتنده (چینه) مهراننده رؤس مقطوعه آرقه دن اولاشوب حضور سلیمانی به عرض اولندی .

دولت عثمانیه یه اولان فرط صداقتی عمیسی علاءالدوله وقعه سنده دخی ابراز ایدرك اوزی سوزی طوغری و صوبی و صوبی آری برعثمانلی آدمی اولدیفنی اثبات ایدن علی بکدن یلما مزك سیته سیله بویله برخطا صادر اولمش اوله سیله (رسورچن آتک باشی کیسلمز) دستور حکمتی ایجابجه علی بكك لایق اولدیفنی معامله عفو و سماح ایله مقابله ایدی . طوغریسی یا

[۱] عالی تاریخی علی بكك بش اوغلیله برابر قتل ایدلدیکنی یازیورسه ده اولادی بش اولیوب اوچدر .

فرهاد پاشا کی برغضکارک تأثیر سعا یتله صافدرونلنی قدرده صادق اولان بوقهرمانه قیلماملی ایدی . تاریختک بو آجیقلی وقعه به عائد مؤاخذه سی ابدیاً باقیدر . واقعا فرهاد پاشا دخی ۹۳۲ تاریخنده ا کدیکنی بیجیدی ، آناطولیده ، سمندرده اهالی به یابدینی ظلملردن دولایی ادرنده بونی اورلدی . من حفر برآ لایحه فقد وقع فیه .

علی بك وقعه سنه عائد محاکمه لاری قارئین کرام استدکلی وجهله یوریتک ایچون کتب تاریخیه تک بو باده کی فقراتی صر سیه ایشه یازیورز :
نشانچی محمد پاشا تاریخی دییور [۱] که : ۹۲۹ میرمیران ذوالقدر شهسوار اوغلی علی بك ظامراً اطاعت و وفاق و باطناً خیانت و شقاق اوزره اولمین فرهاد پاشا مأموریتله ارتق آبادده باشی کیلوب دردولته کوندردی .

پچوی تاریخی یازیور [۲] که : پادشاه عالم پناه سمره متوجه اولمظه فرهاد پاشا اوتیه قهرلی محافظه بهانه سیه کوندریلوب مقصود اصلی شهسوار اوغلی علی بکک ازاله سی ایدی میرمیران ذوالقدر به مملکتنده مستقل اولوب جانب پادشاهیدن هر بار مرعی اولمظه خیلی مفرور اولمشیدی دفعتله شاکیری کلوب دفعه اوامر شریفه کوندردی که انقیاد ایتیموب تجاوزینی آرتر ایدی فرهاد پاشا سیواس قرینه وصولنده مشاوره بهانه سیه جلب ایلدیکی مشار الیهی اوغلاریله برابر اوطاغنده بوغدیردی .

منجم باشی تاریخی تحریر ایدیور [۳] که : بو ائنده فرهاد پاشا استانبوله کلوب علی بکک ظلمی حددن افزوندر وعصیان ایتک اوزره دردی افاده ونیجه کلمات ایله عاقبت خاطرهایونی تغییر و قتل واستیصانه اذن الوب یکریمی بیک عسکرله اوزرینه متوجه اولوب وارتنق آبادده قونوب علی بك طرفه عجم سقرینه مأمورم دیه حیل ایله خبر ارسال ومشاوره ایچون

[۱] ص ۲۱۷ .

[۲] ج ۱ ، ص ۷۳ .

[۳] ج ۳ ، ص ۴۷۸ .

دعوت ایدوب علی بك اولاديله برابر كلدكده جله‌سی كشته تیغ
(انتقام) ایلدی .

صولاق زاده تاریخی سویلیور [۱] که : ۹۲۸ ذوالقدریه ایالتی والیسی
اولان شهسوار اوغلی علی بكك رعایایه پك زیاده ظلم ایلدیکی سمع عالی‌یه
ایصال ایلدیکنندن فرهاد پاشایه بر مقدار یکچری و بلوك خلقی قوشیلوب
عجم سفری ناميله علی بك اوزرینه کوندرلدی فرهاد پاشا واروب لطائف
الحیل ايله علی بكك واوغلرینك ایشی بیتیدی .

عالی تاریختك بیاناتی ده شویله در [۲] : ۹۲۸ وزیر فرهاد پاشا ایران
سفری بهانسیله آناتولی‌یه کوندرلدی و برای مشاوره فرهاد پاشا ايله
برلشمسی ایچون علی بکده امر شریف ارسال اولندی ارتق اووه نام
منزله واردقده مشارالیه علی بك ساری ارسلان شاه و دیوانه ولد
وغیرسی بش نفر برار اوغلريله معسکر پاشایه واصل اولدی کرچه
اولادی (مجموعز بردن کینمك علامت خیر ذکدر سز کیدرسه کتز بز
قاله‌لم) دیدیلر اصلا مفید اولدی (بن آل عثمانك طوغریسی یم کیمدن
نه‌باکم واردر) دیو جواب ویردی واردینی کبی بش اوغلیله برابر قبض
و قتل اولندی ذوالقدر لودن بك نامنه بر کیسه قورتلیدی .

نحبة التواریخ بیان ایدیور [۳] که : بو ایامده ولایت آناتولی
محافظه‌سنده اولان وزیر فرهاد پاشا بر مقدار قیو قوله وروم و ذوالقدر
عسکرلرینه سردار تعیین اولنوب سرحد عجم محافظه‌سی ناميله اول
بهارده اول جانبه ارسال اولندیلر حدود ولایت ذوالقدریه‌یه واروب
شهسوار اوغلی علی بك توابعیله واولاديله کلوب ملاقی اولدینی حینده
اولدی‌یلدی .

[۱] ص ۴۴۰ .

[۲] ج ۴ ، ص ۴۴ .

[۳] ص ۵۶ ، ۵۷ .

عبدالرحمن شرف‌افندی تاریخ دولت عثمانیه‌سنده شویله یازیور [۱]:
 فرهاد پاشا ایله شهسوار اوغلی علی بك مقدماشقی جلال اختلالنه دخی
 مأمور ایدلش اولوب میرمشارالیه سرعسكر پاشانك ورودینه انتظار
 ایتمکترین جمعیت اشقیایی پریشان ایدیور دیکندن زرد دولته رفعت
 وشان قزاقمش فقط فرهاد پاشانك کین وحسیدی دعوت ایتش ایدی
 بوکره پاشای مشارالیه علی بکی برطاقم عزویات بدخواهانه ایله و بالجله
 ال واولادیه قتل ایتدیرمشدر . میرمشارالیه سلطان سلیم خاه خدمت
 مشکوره‌ده بولنش جسور بر ذات ایدی . انعامیله ذوالقدر خاندانی
 سوندی لکن بر مدت صکره فرهاد پاشانك مغتریات غرضکارانه‌سی
 ومأمور اولدینی ولایات حقنده معاملات غدارانه‌سی تین ایتمکله اودخی
 مقتولا جزای سزاسی بولدی .

استطراد

عالی‌تاریخنك ذوالقدرلیدن بك نامه کیمسه قورتلدینی وعبدالرحمن
 شرف‌افندی تاریخنك علی بکک انعامیله ذوالقدر خاندانك سوندیکی
 حقنده کی بیاناتی شهسوارلی شعبه خاندانك اقراض کلیسه معطوفدر .
 چونکه بوکونکی کونده مرعشده وپوزغادده موجود اولان دولقادرلیلر
 علام‌الدوله بك زاده شاهرخ و سلیمان بککرك نسلندن اورممشدر . اتی

۹۳۳ سنه هجریه‌سنده حاجی بککاش ولی سلاله‌سندن (قلندر)
 برمدتدنبرو ایشیق نامیله آناطولیده تورمین بد مذهب و دیوانه مشرب
 برسوری خذله اغواسیله ومهدیلک دعواسیله علم افراز طغیان اولمش

ایدی. کرچه بو حریفک علماً و عملاً هیچ رقبت شخصییه ی بوقسه ده حاجی بکنتاش ولینک قادینجق انادن بورنی قانی دامله سیله نفس اوغلی اولان حبیب افندی [۱] اولادندن اولق حیثیتیه نظر عوامده طهارت نسب و حسب ایله طائمش اولدیقندن آز مدته بایراغی آلتنده اوتوز بیکدن متجاوز حشرات طویلامش و آناطولینک باشنه پوسکوللی بر بلا کیلمش ایدی. شکل طغیاننده کی بشقهلق قانونی سلطان سلیمان خانک نظر دقتلرینی جلب ایله یکنندن دامادی و صدراعظمی ابراهیم پاشا سردارلقیه درحال استانبولدن آناطولییه اوج بیک یکپجری وایکی بیک بلوک خلقی سوق واطاره و آناطولی ایالاتی بکربکیلرندن و شجاق بکلرندن استدیکی ذواتی استصحاب و استخدام ایلمنی ده اراده بیورمش ایدی.

ابراهیم پاشا سیر سریع ایله اناطولییه کلوب اول باول آناطولی بکربکیسی بهرام و قره مان بکربکیسی محمود پاشالری ایالتلری عسکریه شق مرقوم اوزرینه سوق ایتدی. بوز اوق ستمده و قوعبولان محاربه ده بونار منهرم و قرمان بکربکیسی محمود پاشا ایله علائیه و آما سیه ویره جک بکلری سنان و قوچی و مصطفی بکیر شهیداً دار اخرته متعازم اولسیله قلندرلی طاقی اردوی عثمانینک متروکاتی اوزرینه قوندیلر. برکون اول چیرل چپلاق آج قارینه و فقط پیر عشقنه طبان چالان قلندر لیلر متروکات میاننده اللربنه کچن البسه فاخره ایله کیندوب قوشانمش اولدقلرندن هر قلندر طور لاغی کورکلی بورکلی ادیکلی جدیدکلی بر بوی بکی طاسلاغی کسپلرک بوزغون اوردونک محتشم چادرلربنه کلوب قورلمش ایدی.

مابعدی وار

عارفی

[۱] پچوی تاریخنک یازدیفنه کوره سلسله نسب شویله یورویور: قلندر ابن اسکندر ابن بلم سلطان ابن رسول چلبی ابن حبیب افندی .